



INSTITUTO GALEGO DE PROMOCIÓN ECONÓMICA

FICHA DE AXUDA

ENTIDADE (Código da ficha)

INDU056 - Consellería de Economía e Industria

1. TÍTULO DO PROGRAMA/ AXUDA

SUBVENCIÓNS PARA INVESTIMENTOS INNOVADORES (IN848A)

2. FINALIDADE / OBXECTIVO

Incentivar o desenvolvemento de actuacións que incidan na capacidade competitiva das empresas, e que incrementen a súa capacidade tecnolóxica e innovadora mediante a dotación de recursos materiais específicos para desenvolver os seus proxectos de innovación, así como a dotación específica de unidades de I+D como vía de mellora da súa competitividade mediante a posta no mercado de novos ou mellorados produtos ou servizos e a transferencia de tecnoloxía entre organizacións densas en coñecemento e orientadas á innovación.

3. TIPOS DE APOIO

Subvencións en réxime de concorrencia competitiva.

4. BENEFICIARIOS POTENCIAIS

Empresas de carácter privado con personalidade xurídica que estean validamente constituídas no momento de presentación das solicitudes e que teñan o seu domicilio social ou algún centro de traballo en Galicia.

Exclúense como posibles beneficiarios da presente convocatoria as empresas en crise e os solicitantes que estean suxeitos a unha orde de recuperación pendente tras unha decisión previa da Comisión Europea que tivera declarada unha axuda ilegal e incompatible co mercado común.

5. SECTORES INCENTIVABLES

Segundo o establecido no Regulamento (CE) 800/2008, polo que se regulan as axudas recollidas nesta orde, non se aplicará a axudas en favor das actividades seguintes:

a) Os produtos da pesca e a acuicultura.
CNAE 09: grupo 10.2 (todas as clases).

b) As actividades relacionadas coa produción primaria de produtos agrarios mencionadas no anexo I do Tratado constitutivo da Comunidade Europea e as relacionadas coa transformación, fabricación e comercialización de produtos agrarios cando o importe da axuda se fixe sobre a base do prezo ou a cantidade de tales produtos comprados aos produtores primarios ou comercializados polas empresas en cuestión; ou cando a axuda se repercute total ou parcialmente sobre os produtores primarios (agricultores).
CNAE 09: divisións 01, 02, 03 e 05 (todos os grupos e clases).

c) O sector da industria siderúrxica:
CNAE 09: grupos 24.1, 24.2 e 24.3 (todas as clases) e clases 24.51, 24.52.

d) O sector de fibras sintéticas

e) O sector do carbón e do aceiro:
CNAE 09: división 05 (todos os grupos e clases).

f) O sector da construción naval:
CNAE 09: clase 30.11.

g) Tampouco poderán aplicarse as axudas a actividades relacionadas coa exportación, concretamente as axudas directamente vinculadas ás cantidades exportadas, as axudas ao establecemento e funcionamento dunha rede de distribución ou as axudas a outros gastos correntes vinculados á actividade exportadora.

6. REQUISITOS PRINCIPAIS DO PROXECTO

Subvencionaranse os investimentos dirixidos a:

a. Investimentos innovadores.

a.1. Creación dun novo centro produtivo ou a ampliación dun establecemento da empresa solicitante, coa finalidade de permitir o desenvolvemento de novos produtos e procesos.

a.2. Diversificación da produción dun establecemento para atender mercados de produtos novos e adicionais.

a.3. Unha transformación fundamental de carácter innovador no proceso global de produción dun establecemento existente.

b. Dotación de unidades de I+D. Creación e ampliación da capacidade tecnolóxica estable dentro das empresas mediante estruturas de investigación e innovación de dimensión apropiada para a xeración de desenvolvemento tecnolóxico e non asociadas á actividade produtiva.

c. Transferencia de tecnoloxía mediante a adquisición de licenzas relativas a invencións

7. CUALIFICACIÓN REQUERIDA DO PROXECTO

-

8. INVESTIMENTOS E/OU GASTOS COMPUTABLES

Terán a consideración de gastos subvencionables:

a) Realización de investimentos en maquinaria necesaria para o proxecto. No sector do transporte non serán subvencionables os medios e equipamento de transporte.

b) Adquisición de equipamento específico para o incremento da capacidade tecnolóxica e innovadora da unidade de I+D da empresa.

c) Instalacións e acondicionamentos imprescindibles para o funcionamento dos equipamentos adquiridos. O custo por este concepto non poderá ser superior ao 25% do total do investimento.

d) Custo en concepto de adquisición de dereitos sobre títulos de propiedade industrial relativos a invencións.

O custo subvencionable mínimo do proxecto será de 200.000 euros para as axudas que teñen por obxecto a realización de investimentos innovadores descritos no artigo 1.2.a) destas bases e de 30.000 euros para as dotacións de unidades de I+D descritas no artigo 1.2.b) destas bases. Debaixo destas cantidades non serán atendidas as solicitudes de subvención.

Non se establece custo mínimo para os investimentos de transferencia de tecnoloxía descritos no artigo 1.2.c) destas bases.

Non se admitirán aqueles gastos facturados entre empresas asociadas ou vinculadas atendendo ás definicións do artigo 7 desta orde de convocatoria.

Os equipamentos integrados nunha mesma solicitude de axuda deben referirse a unha única solución técnica. Cada unha das solicitudes só poderá ter por obxecto investimentos encadrados en unha das categorías descritas no artigo 1.2 destas bases (1.2.a. Investimentos innovadores; 1.2.b. Dotación de unidades de I+D; ou 1.2.c. Transferencia de tecnoloxía mediante a adquisición de licenzas relativas a invencións).

Estas subvencións terán unha única anualidade; polo tanto, só se admitirán aqueles gastos que fosen realizados dentro do período comprendido entre a data de presentación da solicitude de subvención e a data límite de xustificación.

9. CONTÍA DAS AXUDAS

Establécense dúas modalidades de axuda, segundo o tipo de empresa solicitante:

- a) Investimentos realizados por pemes.
- b) Investimentos realizados por grandes empresas.

A intensidade da subvención concedida será do 30% do custo subvencionable para grandes empresas, do 40% para medianas empresas e do 50% para pequenas empresas no caso de ter un único proxecto concedido.

As intensidades de subvención calcularanse en termos de equivalente de subvención bruta.

Non obstante, as empresas do sector de transporte estarán limitadas a unha subvención do 30% do custo subvencionable.

O número máximo de proxectos que poderán ser subvencionados para un mesmo beneficiario será de tres.

Para o caso de que se subvencione un segundo proxecto a un mesmo solicitante, a intensidade bruta de subvención neste caso será dun 80% da porcentaxe concedida para o primeiro.

Para o caso de que se subvencione un terceiro proxecto a un mesmo solicitante, a intensidade bruta de subvención neste caso será dun 60% da porcentaxe concedida para o primeiro.

A subvención concedida para cada solicitude non poderá superar o importe de 500.000 euros, respectando as porcentaxes máximas permitidas.

10. PLAZO DE PRESENTACIÓN DE SOLICITUDES

O prazo de presentación de solicitudes será dun mes contado a partir do día seguinte ao da publicación desta orde no Diario Oficial de Galicia.

Entenderase como último día do prazo o correspondente ao mesmo ordinal do día da publicación.

Se o último día de prazo fose inhábil, entenderase prorrogado ao primeiro día hábil seguinte e, se no mes de vencemento non houber día equivalente ao inicial do cómputo, entenderase que o prazo expira o último do mes.

11. INCOMPATIBILIDADES

As axudas previstas nesta orde serán incompatibles con calquera outra das liñas de axudas xestionadas pola Dirección Xeral de I+D+i para o mesmo proxecto. Polo demais, estas axudas serán compatibles con calquera

outra destinada ao mesmo proxecto, calquera que sexa a súa natureza e a entidade que a conceda, sempre que o conxunto das axudas acadadas non exceda, en termos de equivalente de subvención bruto (ESB), a porcentaxe fixada nas bases reguladoras e en todo caso que conxuntamente non superen o custo total elixible do proxecto. As entidades deberán achegar unha copia simple da resolución de concesión doutras axudas. As entidades deberán achegar unha copia simple da resolución de concesión doutras axudas.

12. REFERENCIA LEXISLATIVA

Orde do 11 de abril de 2012 (DOG Nº 73 do 17/04/2012) - Bases reguladoras e convocatoria 2012

13. INFORMACIÓN E TRAMITACIÓN EN

Os formularios de solicitude das subvencións deberanse obter, cubrir, aceptar e imprimir necesariamente a través da aplicación informática establecida nos enderezos da internet <https://sede.xunta.es> ou <http://economiaeindustria.xunta.es/dxidi>.

Poderanse cubrir, obter e aceptar os formularios ata as 14.00 horas do día anterior á data de finalización do prazo de presentación de solicitudes.

Información:

- a) Na páxina web oficial da Consellería de Economía e Industria: (<http://economiaeindustria.xunta.es/dxidi>), na súa epígrafe de «Axudas».
- b) Nos teléfonos 981 95 73 92 e 981 95 73 87 da devandita dirección xeral.
- c) No enderezo electrónico cei.infosegapi@xunta.es.
- d) Presencialmente.

14. OBSERVACIÓNS

Para cobrar a subvención concedida, o beneficiario deberá presentar na data límite do 31 de outubro de 2012, a documentación correspondente para a xustificación.